


Коми Республикаса Каналан Сöветö

2020 во косму тöлысь 1 лунсянь лöддза-номья тöлысь 30 лунöдз
гражданасянь воём гижöда шыöдчöмьяс видлалöм

Коми Республикаса Каналан Сöветö (водзö – Каналан Сöвет) 2020
вося косму тöлысь 1 лунсянь лöддза-номья тöлысь 30 лунöдз воис 203
шыöдчöм, на лыдын 84 гижöда шыöдчöм (сы лыдын 64 асшөр шыöдчöм,
гражданалöн öтувьяссянь 12 да котырьяссянь 8 шыöдчöм).


Став гижöда шыöдчöм лыдысь 66 воис электроннöй документöн:
Öтуввезйын Каналан Сöветлöн официальной сайтын меститчöм Öтуввез-
водзвежöс пыр либö электроннöй пошталöн официальной инпас вылö.



Письмöясыс воисны республикалöн дас куим муниципальной юкöнса
олысьяссянь. Медтшöкыда Каналан Сöветö шыöдчылисны сиктывкарсяяс
(28). Отчётнöй кадколастын 9 шыöдчöм воис странаса мукöд динмуысь –
Москва, Волгоград, Екатеринбург, Калининград, Киров, Казань карьясысь да
Татарстан Республикаса Набережные Челны карысь, Перым карысь, Тамбов
обласьтса Покровское сиктысь, Пенза обласьтса Никольское сиктысь,
Чувашия Республикаса Онгалось грездысь. Öти шыöдчöмön воис
Францияысь да Америкаса Öтувтчöм Штатысь.

Коми Республикаса Каналан Сöветö

2020 вося II кварталын воём
гижöда шыöдчöмьяслöн тематика



Гижода шыодчөмьяссө видлалөмыс петкөдлө, мый гражданаос медся ёна майшөдлөны канмукөд, йөзкотыркөд да политикакөд (на лыдын олан пунктяс социальнөя да экономика боксянь сөвмөдөмкөд, канму власьт органьяслөн, меставывса асвеськөдлан органьяслөн да өтйөза организацияслөн уджкөд), социальной юкөнкөд йитчөм юалөмьяс (йөзлысь дзоньвидзалун видзөм, социальной мынтөмьяс, олысьясөс могмөдөм, кокньөдьяс сетөм).

Сыктывкарса асшөр уджалысь вөзйө дзоньвидзалун бурмөдан шөринлысь зданиесө, кутшөмөс стрөитөны Сыктывкарын Марков улича кузя, сетны республикаса здравоохранениелы. Сылөн видзөдлас серти, зэв бур, мый сийө кутас сулавны Коми республиканскөй клиническөй больничасянь неылын.

Воркута карса больничаян регыдья медицина отсөг сетысь коллектив корө видлавны коронавирус пандемия дырйи медицина уджалысьяслы мынтөмьяс серти шыодчөмсө.

“Изьватас” Ямало-Ненеч дінмуса өтйөза өтмунөм шыодчис ходатайствоён. Найө вөзйөны “Изьва” муниципальной юкөнса юралысь чинө И.Г. Королеваос.

Россияса олысь вöзйис депутатъяслы шыödчыны Ненеч асвескөдлан кытшлөн Законодательной собраниеö, медым нуöдны Ненеч асвескөдлан кытшын да Коми Республикаын тайö мутасьяссö Россия Федерацияса öти субъектö öтувтöм йылысь референдум. Сылөн видзöдлас серти, тайö динмуясыс “мутас серти, история да экономика боксянь матынöсь, тайö отсалас видзны да кыпöдны национально-культурной, социальной да экономика боксянь сөвманлунсö”.

“Уна кагук” уна челядя семьяс öтувтысь Ухта карса öтйöза организация вöзйис пыртны республиканской оланпастэчасö уна челядя семьяяслысь оланногсö бурмөдөмкөд йитчөм стöчмөдөмьяс. Республикаын лоас “Уна челядя семья” öти категория. Тайö категорияö пырысь семьяяслы кутасны сетны öткодь отсөг чöжös вылö видзöдтөг, чинтасны ипотека серти ставкаяс, колясны пандемия кадö примитöм социальной отсөг мераяссö.

Айму вöсна Ыджыд тышсянь 75 во пасйигөн “Обелиск” москваса поискöвöй отряд корис йöзöдны юöртан средствояс пыр юөр сы йылысь, мый корсьöны кувсьöм салдат Г.В. Лыткинлысь рөдвужсö (вермас лоны, мый сийö Сыктывкарса либö Ухтаса олысь). Сыктывдин районын сылөн чужан места серти некодi эз сюр.

Пенза обласьтысь воис шыödчöм, мый оз позь пыртны федеральной оланпастэчасö вежсьöмьяс, кутшöмьяс йитчöмаöсь коронавирус вöсна каналан аппаратлысь уджсö чинтöмкөд, гражданы ас көсийöм серти ветлöмсö дугөдөмкөд, спортивной ордйысьöмьяс да мукөд мероприятие дугөдөмкөд, а сiдзжö вирус паськөдöм йылысь йöзös юöртан средствоясын абу збыль публикацияс петкөдлөмсö дугөдөмкөд.

“Россияса Профсоюзьяслөн Независимой Федерация” ставроссияса союз ыстiс Первомайса профсоюзной акциялысь Ставроссияса профсоюзной интерактивной митинг дырйи примитöм резолюциясö, мый вöсна гөлөсуйтöмаöсь 12 млн-ысь унджык Россияса граждана. Резолюцияын корöны матысса кадö чинтыны да бырöдны карантинной мероприятиессö

сэні, көні та вылө сетө позянлунсө эпидемиология серпасыс, да колана ногөн уджөдны предприятиеяссө.

Кулөмдін районса Помөсдін сиктын олысьлөн мытшөд: гожөм кежлө сылөн кагалы колө детсад. Гөтырыс уджалө воспитательөн и быд во гожөм заводитчигөн, кор воспитательяс петöны отпускьясö, кымынкö группа пöдлалöны. Сы вöсна кагасö сылы кольны некытчö. Шыödчысь корö вежыштны оланпассö, мый серти школаөдз велöдан учреждениеясса уджалысьяслысь челядьсö пыртасны дежурной группай льготной категория челядьöс моз.

Рöштво храмын настоятель (Сыктивкарлөн Улыс Чов посёлок) челядьöс быдтөм-сöвмөдөм могысь дась öтув уджавны храм бердын “Родник” челядьöс вежавидзöмөн овны да чужан му радейтны велöдан шöринын (нуöдны гажьяс, конкурсьяс, сетны гöля олысь йöзлы отсöг да с.в.).

Париж кар бердын олысь студент, кодлы кажитчö география, корö ыстыны сылөн коллекцияö Коми Республикалысь дöрапассö. Татшөм жö корöмөн шыödчис Америкаса Öтувтчөм Штатын олысь.

II кварталын оланпастэчас бурмөдөм вылө вöзйöмьясөн шыödчöмьясын сёрниыс муніс со мый йылысь.

Вөр отрасльса уджалысьяслөн Коми республиканскöй профсоюзьяслөн организация вöзйö оланпас пыртан тшупöдын вынсьöдны татшөмтор: вөр отрасльса, а стöчджыка кө, пöжарьясысь видзан шöринса уджалысьясöс, кодьяс кусöдöны пöжарьяссö кымынкö суткиясөн гортысь бокын, могмөдны сёян-юанөн. Федеральной сьöмкуд тшöt весьтö пöжарьяс кусöдан мероприятиеяс лыддьöгö сёян-юан вылө рöскөдсö абу пыртöма.

Россия Федерацияса Коммунистической партиалөн дінму юкөн вöзйö пыртны вежсьöмьяс “Коми Республикаса Юралысьöс бöрйöм йылысь” республиканскöй оланпасö. Корö чинтыны Коми Республикаса Юралысь чинö кандидатöс вöзйöм вылө колана кырымпас лыдсö 10 прöчентсянь 5-өдз.

Татарстанса олысь вöзйис примитны федеральнöй власьт органьяслы пöрысьлун серти пенсия вылö петан арлыдсö нывбабаяслы 60 арöссиянь 58-öдз, мужичöйяслы 65 арöссиянь 60-öдз чинтöм йылысь оланпас.

Сыктыв районса олысьяс вöзйöны бөр пыртны “Коми Республикаын административнöй кывкутöм йылысь” Коми Республикаса Оланпасö кывкутöм сыысь, мый Коми Республикаса овмöдчöминьясын гырысь да посни скöтöс, а сіджö мукöд гортса пемöсöс да лэбачöс кутысьяс йирсьöдöны найöс урчитöм местаясысь бокын.

Олысьяс тöждысьöны сы вöсна, мый Коми Республикаын некыдзи оз вермыны ладмöдны алкогольтöм энергетическöй, тонизируйтан юанторьяс вузалöмсö. Найöс челядьлы вузалöны вузасяніньясын, весиг сетевöйясын. Шыödчысьяс пример пыдди вайöдöны Санкт-Петербург, Ростов обласьт, Саха Республика (Якутия) да Ямало-Ненеч асвеськöдлан кытш, кöнi тайö продукциясö вузавны оз позь. Граждана серти, колö дугöдны челядьлы татшöм юанторьяс вузалöмсö, сы вöсна мый найö вайны лектор быдмысь войтырлөн дзоньвидзалунлы.

Инта карын олысь ань корö пыртны вежсьöмьяс страхöвöй пенсияяс йылысь оланпастэчасö, а стöчджыка кö, пöрысьлун вöсна пенсия дорö ыджыдджык фиксируйтöм сьöм отсög мынтöм вылö 18 арöсысь ыджыдджык кагаöс быдтöмкöд йитöдын. Сылөн видзöдлас серти, татшöм сьöм отсög мынтöмсö индöм йылысь решениеыс колö, медым пенсионнöй фондус подуласис сьөн аслас уджын. Öнi сылы пенсия дорö 2800 шайт мында содтöд сьöм босьтöм вылö колö шыödчыны ёрдö, сы вöсна мый сійö видзö 18 арöса пиöс, кодi велöдчö 11 классын.

“Шудлун азбука” бать-мамлөн клуб (Ухта к.) корö кыз позьö öдйöджык лöсьöдны оланпас бала сы йылысь, медым республикаын эз кутны вöчны, вузавны да паськöдны никотинысь курччалан нёнялан смесьяс (снюсьяс), сылысь аналогьяс, да примитны сійöс Каналан Сöветлөн матысса заседание дырйи.

Тамбов обласьтысь, Татарстан Республикаысь да Калининградьсы граждана вöзйисны оланпас бала – бөр пыртны “гожся” кад. Йöзöс юасьöмьясыс петкöдлiсны, мый найö кöсйöны овны воддза моз.

Олысьяс сiдзжö кöсйöны тöдны, лоас-ö матысса кадö республикаын гражданагы лёнь да чöв олöм могмöдысь “стрöгджык” оланпас либö дугöдасны-ö карантин кадö уна патераа керкаясын дзоньтасян уджьяссö:

нывбаба, кодi декретнöй отпускын, шыödчис сы вöсна, мый суседьясыс шумитöны да öлödöмьясыс, оланпасөн вöдитчöмыс на дорö кыдзи öтуволанiнын урчитöм правилöяс торкалысьяс дорö нинöм оз веж. Шыödчысь корö пыртны стöчмödöмьяс лёньлун йылысь оланпастэчасö: гражданагы быд лун 13 чассянь 15-öдз (уджалан, праздник да шойччан луньясö) оз позь торкны лёнь олöмсö, а сiдзжö урчитны гражданагы сийöс торкöмысь административнöй кывкутöм 10 сюрс шайтсаянь 15 сюрсöдз;

Удора районса олысь вöзйис паськöдны кадколастсö 18 чассянь 8-öдз уджалан луньясö да 21 чассянь 10-öдз шойччан луньясö да содтыны оланпас дорö справочнöй юөр шум йылысь, медем быд морт вермис сравнитны шумсö, гөгöрвоны, кутшöм сийö да ёна-ö гора.

Коми Республикаса нормативнöй инöда актьяс примитiгөн воём да збыльмödöм оланпас пыртан вöзйöмьясыс со мый йылысь.

Öнiя оланпастэчас серти пöжарысь видзан федеральнöй службаса уджалысьяс вермöны кадысь водз петны пöрысьлун серти пенсия вылö сэк, кор налы тырас 50 арöс да кор налөн лоö федеральнöй олöмö пöртысь власьт органлөн Пöжарысь видзан канму службаса чиньясын 25 воысь оз этшаджык стаж; авариясысь мездан профессиональнöй формированиеяслөн авариясысь мездан службаясса уджалысьяс вермöны кадысь водз петны пенсия вылö, кор уджалöны федеральнöй олöмö пöртысь власьт органлөн авариясысь мездан профессиональнöй службаясын спасательясөн 15 воысь оз этшаджык, 40 арöс тырöм бöрын.

Кадысь водз пöрысьлун вöсна страхöвöй пенсия вылö инöдыс Коми Республикаса пöжарысь видзан службаса уджалысьяслы да авариясысь

мездан профессиональной служба спасательны абу урчитома. Тайо категория граждана петоны пенсия выло отувья подув вылын, мый йылысь юортис шыодчомын Сыктывкарса олысь. Та дырйи пенсионной реформа борын пенсия выло петан арлыдыс содис вит во выло, мый ношта на ыдждодис ония торьяломсо. Пожарысь видзан федеральной служба да Россия Федерацияса субъектыслон пожарысь видзан служба уджалысьяс откодя рискуйтоны асланыс олмомн да дзоньвидзалунон пожаряс кусодигон да аварияысысь мездан уджыяс нуодигон, вочоны уна сикас тодчана да колана удж, кутшомьясось веськоддома сыокыд ситуацияо веськалом гражданы отсог сетом выло.

Татшом ногон, откодь уджысь пенсияыс торьяло сы серти, кутшом власыт тшуподыс (федеральной, региональной). Такод йитодын, Коми Республикаса Каналан Совет шыодчис (лосялана шуомсо примтома 2020 вося лоддза-номья толысь 10 лун) Россия Федерацияса Веськодлан котырн Юрнуодысь М.В. Мишустин дорю да возйис вежны Россия Федерацияса пенсионной оланпастэчасо, мый серти Россия Федерацияса субъектысын пожарысь видзан да аварияысысь мездан службаясса уджалысьяслон лоо инод кадысь водз петны пенсия выло.

1983 да 1992 воясын лосьяломон Усинск район (Лыжавом сельсовет кындзи) да Печора район (Печора кар кындзи) пырисны Ылі Войвыв районьяс лыдо. Печора кар да Лыжавом сикт 2008 вося товшор толысь 1 лунодз лыддыссисны Ылі Войвыв районьяскод откодялом местаясон. 2008 вося товшор толысь 1 лунсянь индом олан пунктьяссо пыртисны Ылі Войвыв районьяс лыдо. Та восна Коми Республикаса индом районьясса став олан пункттын олысьяслон уджалан инодьясыс да гарантиясыс лоисны откодбось.

Но Печора карын да Лыжавом сиктын да сы ув мутасын олысь йозлон пенсия инодьясыс мод полосось. Сэни пенсионной оланпастэчас серти уджалан стажсо арталоны Ылі Войвыв районьяскод откодялом местаясын уджаломысь. Кадысь водз порысьлун серти пенсиясо сетоны 60 арлыда мужичойяслы да 55 арлыда нывбабаяслы Печора карын да Лыжавом сиктын

кӧ уджалан 20 во, а Печора да Усинск районъясса мукӧд пунктн — 15 во. Уна сикас ногӧн тайӧ мытшӧдсӧ решитӧм вылӧ эз нин ӧтчдысь кыпӧдлыны федеральной канму власьт органъясын. Торйӧн нин, 2012 воӧ Каналан Сӧвет Россия Федерацияса Федеральной Собраниелӧн Каналан Думаӧ пыртӧс “Россия Федерациян уджалан пенсияяс йылысь” Федеральной оланпаслӧн 28 статьяӧ вежсьӧм пыртӧм йылысь” федеральной оланпас бала, мый серти пӧрысьлун серти уджалан пенсиясӧ индӧгӧн колӧ вӧдитчыны Ылі Войвыв районъяс да Ылі Войвыв районъяскӧд ӧткодялӧм местаяс лыддьӧгӧн пенсия индан лун вылӧ серпас серти. 2014 вося косму тӧлысь 18 лунӧ медводдза лыддьӧгын индӧм оланпас баласӧ вештӧсны.

Сы вӧсна, мый олысьяслӧн пенсия вылӧ инӧдьясыс абу ӧткодьӧсь, мытшӧдыс талун кезлӧ зэв тӧдчана да сийӧс колӧ решитны. Сийӧс унаысь нин кыпӧдлісны индӧм олан пунктъясысь олысьяс. Каналан Сӧветса депутатъяс дасьтӧсны Каналан Сӧветлысь шуӧм бала, кӧні вӧзйӧны шыӧдчыны Россия Федерацияса Вєськӧдлан котырӧ, медым пыртны “Коми Республикаса ӧткымын олан пункт Ылі Войвыв районъясӧ пыртӧм йылысь” Россия Федерацияса Вєськӧдлан котырлӧн 2007 во косму тӧлысь 24 лунся 245 №-а шуӧмӧ вежсьӧмъяс сы могысь, медым ӧткодявны инӧдьяссӧ. Индӧм шыӧдчӧмсӧ примитӧма Каналан Сӧветса заседание дырйи 2020 вося лӧддзаномъя тӧлысь 10 лунӧ.

Сиджӧ Сыктывкарын олысь анясьянь воӧм вӧзйӧмъяс серти заседание дырйи примитӧсны оланпастэчасӧ вежсьӧмъяс. Содтӧд отсӧг сетан мераяс урчитасны челядя семьяяслы:

- дінму семейной капитал вылӧ инӧдыс лоӧ кагаӧс пи (ныв) пыдди босьтысь семьяяслӧн;
- быдтӧлысса сьӧмӧн мынтӧм вылӧ инӧдсӧ урчитӧсны ӧти семьян олысь кыдзи мамлӧн челядылы, сідзи и батылӧн челядылы.

Каналан Сӧветӧн Вєськӧдлысь Н.Б. Дорофеева сетӧс тшӧктӧмъяс 51, Каналан Сӧветӧн Вєськӧдлысьӧс Медводдза вежысь А.П. Макаренко – 12,

Каналан Сöветöн Вескöдлысьöс вежысь В.А. Косов – 6, Каналан Сöветöн Вескöдлысьöс вежысь В.В. Жиделева – 4 гижöда шыöдчöм серти.

Оланпастэчас да меставывса асвескöдлöм комитет видлаліс 10 шыöдчöм, на пиысь 9-сö Каналан Сöветса юрнуöдысьяслөн тшöктöм серти; социальной политика комитет – 15 шыöдчöм, на пиысь 13-сö тшöктöм серти; сьöмкуд, вот да экономической политика комитет – 6 шыöдчöм, на пиысь 4-сö тшöктöм серти; вөр-ва озырлун, вөр-ваён вöдитчöм да экология комитет – 6 шыöдчöм Каналан Сöветса юрнуöдысьяслөн тшöктöм серти; оланін да коммунальной овмöс юалöмьяс серти пыр уджалысь комиссия – 9 шыöдчöм.

Каналан Сöветса Аппаратöн Юрнуöдысь А.В. Патрушев видлаліс 4 шыöдчöм.

Пыдісянь видлалöм могысь Каналан Сöветса чина йöз ыстісны 39 гижöда шыöдчöм Коми Республикаса олöмö пöртысь власьт органьясö, Коми Республикаса прокуратураö, республикаса муниципалитетьясын администрациясса чина йöзлы.

Индöм кадколастö Каналан Сöветö воём шыöдчöмьясын налөн авторьясыс, вылынджык индöмаяс кындзи, тöдчöдісны татшöм юалöмьяс:

Сыктивкарса Краснозатонскöй кар кодь посёлокын олöма йöзлы да вермытöмьяслы социальной шöрин стрöитöм, кодöс көсийсны стрöитны киссьöм здание тупкигöн 2018 вося öшым тöлысьö;

2020 вося тулысын дінмуса да меставывса тöдчанлуна автомашина туйяс вывті омöльджыка ветлöм, кыдзи вöзйис пандемия кадколастö Россия Федерацияса Вескöдлан котыр;

Усинск карын промышленной предприятиелысь овтöм жыр көртымалöм да донсö 2 пöв кыпöдöм, мый вöсна производствоыс вермас сувтны да уджалысьяссö ковмас мездыны уджысь;

страхöвöй взносьяссö социальной вот вылö вежöм, мый артавьсö босьтöм сьöмысь;

тыр арлыдтөм челядя семьяос ипотека серти кредитөн босьтөм патераысь вөтлөм сы вөсна, мый коронавирус инфекция вөсна торья режим кадколастө кредитысь эз ло мынтысьома;

Сыктывкарысь пенсионерос тылса ветеранөн лыддьөм;

Сыктывкарса биару службаса уджалысьясөн удж нуөдөм;

“Өнiя кадлөн экология вектор” асшөрлуна абу коммерческой организациялысь проектъяссө кураторалөм да сылы удж нуөдөмын сьөмөн отсалөм;

Койгорт районса Койгорт сикт кузя гырысь груза автомашинаясөн ветлөм;

Ухта карса олан керкаын восьтөм кафе, кодi мунö оланпастэчаслы паныд пандемия кадö уджалөмөн да керкаса олысьяслөн дзоньвидзалунлы вермö вайны лектор;

Сыктывкарса школаөдз велөдан челядылы, кодьяс олöны карантин дырйи гортаныс, сёян-юан вылö компенсация босьтөм (3000 шайт мында);

став челядя семьялы коронавирус инфекция дырйи отсөг вылö челядылы вуджөдөм пособие тшöt весьтö Газпромбанклөн банковской картаөн вөдитчöмысь донсö абу босьтөм;

Удора районлөн Усогорксса шөр школаын велөдчысь нывкалы материальной отсөг сетөм дистанционнöя велөдчöм вылö компьютернöй техника ньöбöмөн

да мукөд.

Перевод словосочетаний для диаграммы 1	
Письма, поступившие в форме электронного документа, 78 %	Электронной документон воом письмояс, 78 %
Перевод словосочетаний для диаграммы 2	
Государство, общество, политика	Канму, йозкотыр, политика
Социальная сфера	Социальной юкөн
Экономика	Экономика
Оборона, безопасность, законность	Оборона, безопасносът, оланпаслун
Жилищно-коммунальная сфера	Оланін да коммунальной овмөс юкөн